



JOURNAU POUPULARI DE LITERATURO, D'ISTORI E DE SCIENCI
PAREISSÈNT TOUTEI LEI QUINGENADO

Se vendè pertout. Depausitàri majourau pèr Marsiho : H. BLANCARD, 6, carriero dei Recoulèto, 6.

Abounamen :
3 fr. e miè pèr an pèr touto la Franço.
Fouèro Franço, lou port en subre, ço
que revèn à 5 fr.

Tout ço que' toco lou journau dèu
èstre manda afranqui à l'Emprenariè
Prouvènçale, 15, carriero dóu Grand-
Relògi, à-z-Ais.

Lei plé noun afranqui saran refusa.
Leis article noun inseri saran pas
rendu.

ASSABÉ

Leis abouna de l'an passa que renouvela-
ran soun abounamen, reçaupran bèn lèu la
toulò dei remembranço de l'annado que prèn
fin em'aquest numerò.

Sarié en de bon, pèr assegura la regulie-
reta dóu servici, que leis abounamen se re-
nouvelèsson aumai lèu. La posto lei reçaup,
e l'amenistracien dóu Journau se cargo dei
fres. Depausa au proumié Burèu de Posto
vengu, 3 franc e miè pèr la Prouvènço e la
Franço, 5 franc pèr fouèro Franço.

TAULETO

PASSO-TÈMS. — Lou Latinisto - *Un Bastidan*.

POUESIO. — Brinde ei bouchié de Marsiho. —
J. B. G.

REMEMBRANÇO. — Dòu 21 de Mars au 3 d'Abrièu.

— L. - A. Gardaire.

CRONICO. — Revisto de l'annado. — Novo
Felibrejado de Paris.

FURETOUN. — Peire de Prouvènço.

PASSO-TÈMS

LOU LATINISTO

Mèste Bartoumièou e sa mouilhè Goutoun
s'èron proun esquicha pèr faire douna uno bello
educacien à soun Tistin. Ero fièu unen e avié
aperaquito quauquei pèço de bèn au soulèu.

— Se poudian, disien lei douz vièi, n'en faire
vo un capelan, vo un avocat !

E vague de l'engouerga de françés, de grè e de
latin.

Quouro lei vacànci arribèron, lei parent goun-
fle d'orguei en sounjant que Tistin anavo reveni
dòu licèu e que poudriè pèr sa scienci teni tèsto
en tôtei, e belèu, qu saup ? n'en faire vèire de
griso emai de vèrdo à moussu lou Curat,

— Fau que veguen un pau, fa lou paire, s'es
fouert sus lou latin.

Tistin arribò dóu licèu, la tèsto enviroûtado de
courouno de lausiè, e quauquei joio souto lou
bras.

Tout l'endré es en aio pèr li fa la bèn vengudo.
Sa maire s'es messo en quatre pèr lou bèn reçaup-
pre e la taulo es aprouvesido coumo pèr Caleno.

S'entaulon. Arriba au roustit aduson un bèn
pèis que cridavo manjo-me.

— An ! fa lou paire à Tistin ; vas faire lei part
e entre tèms nous diras quauquei mot de latin.

— Voulountié, paire.